

Dokazi utemeljenosti nikaba u islamu

PO KONSENZUSU ISLAMSKIH UČENJAKA



AUTOR

Ebu Munzir El-Azhari

PRIREDIO

Haris A. Bećović

**Dokazi uteviljenosti
nikaba u islamu**
po konsenzusu islamskih učenjaka



Dokazi utemeljenosti nikaba u islamu

*PO KONSENZUSU
ISLAMSKIH UČENJAKA*

AUTOR

Ebu Munzir El-Azhari

PRIREDIO

Haris A. Bećović

Novi Pazar, 2018

PREDGOVOR



U ime Allaha, Milostivog i Samilosnog, Gospodara svih svjetova, Vladara Sudnjeg dana. Neka je salavat i selam na Allahovog Poslanika, Muhammeda, sallallahu alejhi ve sellem, njegovu časnu porodicu, vrle ashabe i sve one koji ga slijede do Sudnjeg dana.

Imam Zejnuddin el-'Iraki, rahimehullah, u svom djelu: „Takribul-esanid ve tertibul-mesanid“, u samom uvodu spominje da se prenosi da je Abdurrahman ibn Mehdi, rahimehullah, rekao: „Ko želi da napiše knjigu, neka počne hadisom: ‘Djela se cijene prema nijetu (namjeri)...’“

Ovaj veličanstveni hadīs o nijetu Imam Šafija i mnogi drugi su uvrstili kao trećinu islama. Hadīs su zabilježili Imam Muhammed ibn Isma'il el-Buhari i Imam Muslim ibn Hadždžadž en-Nejsaburi, u svojim Sahihima¹, gdje kažu:

¹ Buhari (54); Muslim (4927).

Obavijestio me je Abdullah ibn Mesleme, njega je obavijestio Malik, prenoseći od Jahjaa ibn Se'ida, on od Muhammeda ibn Ibrahima, on od Alkame ibn Vekkasa, a on od Omara, radijallahu anhu, da je Allahov Poslanik, sallallahu alejhi ve sellem, rekao:

„Djela se cijene prema namjeri i svakom čovjeku pripada ono što je naumio. Ko je učinio hidžru radi Allaha i Njegovog Poslanika, njegova hidžra je radi Allaha i Njegovog Poslanika, a onaj koji je učinio hidžru radi sticanja dunjaluka ili radi kakve žene, da bi se njome oženio, njegova hidžra je zbog onoga zbog čeka ju je učinio.“

Molim Allaha Uzvišenog da nam podari iskrenu namjeru, da sve što radimo od djela, javnih i tajnih, bude samo zarad Njega, Uzvišenog, da nas uputi na ono što je najbolje za nas, usmrti nas, a On, Milostivi, zadovoljan s nama i da oprosti grijeha, javne i tajne, meni, mojoj porodici, mojim šejhovima, mojim prijateljima, i svim muslimanima i muslimankama.

Haris A. Bećović

*Rijad, Kraljevina Saudijska Arabija
Muharrem, 1439. h.g.*

U ime Allaha, Milostivog, Samilosnog

UVOD



Hvala neka je Allahu i neka je salavat i selam na Allahovog Poslanika, sallallahu alejhi ve sellem, na njegovu porodicu i na sve ashabe.

A zatim:

Nikab koji je Allah propisao ženi muslimanki je onaj kojim žena pokriva svoje lice ispred muškaraca koji joj nisu mahremi.²

² Mahremi mogu biti zbog rodbinstva po porijeklu, rodbinstva po mlijeku i tazbinskih veza: Mahremi po rodbinskim vezama po porijeklu su:

- a) Otac, djedovi i pradjedovi (pa naviše) svejedno bili sa očeve ili majčine strane.
- b) Sinovi, unuci i praunuci (pa naniže) od sinova i kćerki.
- c) Braća, svejedno bili i po ocu i po majci ili (polubrat) samo po ocu ili samo po majci.
- d) Sinovi braće i sinovi sestara, svejedno bili braća i sestre i po ocu i po majci ili (sinovi polubraće) samo po ocu ili (sinovi polusestara) samo po majci.

Učenjaci su složni da je nikab od vjere Gospodara svih svjetova, međutim, razišli su se u njegovom propisu; da li je on obavezan – da ima nagradu ako ga nosi i grijeh ako ga ne nosi, ili je mustehab³ – ima nagradu ako ga nosi, a u suprotnom nema kaznu.

-
- e) Amidže, svejedno bili po ocu i po majci ili (poluamidže) samo po ocu ili samo po majci.
 - f) Dajdže, svejedno bili po ocu i po majci ili (poludajdže) samo po ocu ili samo po majci.
 - ♦ Mahremi po mlijeku su kao i mahremi po rodbinskim vezama, na primjer: Sin po mlijeku je mahrem svojoj majci po mlijeku, njenim sestrama (tj. njegovim tetkama po mlijeku), njenim kćerkama (tj. njegovim sestrama po mlijeku) i njenoj majci (tj. njegovoj nani po mlijeku). A majci po miljeku nije mahrem otac djeteta po krvi.
 - ♦ Mahremi po tazbinstvu su:
 - a) Sinovi muža (pastorci) i unuci muža (pa naniže), svejedno bili (unuci) od muške ili ženske djece muža.
 - b) Otac muža (svekar) i djedovi muža (pa naviše), svejedno bili (djedovi) sa strane oca ili majke muža.
 - c) Muževi kćerki (zetovi), muževi unuka i muževi praunuka.
 - d) Muž majke (očuh) pod uslovom da joj je prišao u postelji nakon sklapanja braka, a ako ju je pustio prije prilaska u postelji onda joj nije mahrem (Prijevod značenja: En-Nisā', 23).

3 Preporučen.

Znači, saglasni su da ona muslimanka koja nosi nikab ima nagradu, sa Allahovom dozvolom, ako ima iskren nijet, a razilaženje je samo u propisu onoga ko ga ostavlja, da li je grijesan i zaslužuje kaznu ili nema nikakvu kaznu u tome!?

Niko od učenjaka uopšte nije rekao da nikab nije od vjere, ili da je on običaj, ili da je novotarija, ili da je zabranjen.

Ko kaže ovako nešto negira jedan od propisa islam-a, jer zaista su žene Allahovog Poslanika, sallallahu alejhi ve sellem, majke pravovjernih, nosile nikab, pa žena muslimanka kada ga nosi ona time njih oponaša, a Allahov Poslanik, sallallahu alejhi ve sellem, je rekao: „Onaj koji oponaša nekoga on je od njih.“⁴

Zbog važnosti ove teme i njene opasnosti po vjeru, napisao sam ovo kratko djelo da bih pojasnio da su Kur'an, sunnet i učenjaci ovog Ummeta saglasni na tome da je nikab od vjere Gospodara svih svjetova.

⁴ Ahmed (5114, 5667); Ebu-Davud (4031).

I to radi toga da mi je čista savjest, da donesem dokaze, da pomognem islam i iz ljubavi prema šerijatu Milostivog a Allah upućuje koga on hoće na pravi put i neka je zahvala Allahu, Gospodaru svih svjetova.



= PRVO =

DOKAZI IZ KUR'ANA I GOVORA UČENJAKA TEFSIRA DA JE NIKAB OD VJERE GOSPODARA SVIH SVIETOVA



Kaže Uzvišeni:

﴿ يَا أَيُّهَا النَّبِيُّ قُلْ لَاٰزُوا جَلَكَ وَبَنَاتِكَ وَنِسَاءُ الْمُؤْمِنِينَ يُدْنِيْنَ عَلَيْهِنَّ مِنْ جَلَابِيْهِنَّ ذَلِكَ أَذْنَى أَنْ يُعْرَفُنَ فَلَا يُؤْذَيْنَ ۝ وَكَانَ اللَّهُ غَفُورًا رَّحِيمًا ۝

„O vjerovjesniče, reci ženama svojim i kćerima svojim, i ženama vjernika neka spuste haljine svoje niza se. Tako će se najlakše prepoznati pa neće napastovane biti. A Allah pršta i samilostan je.“⁵

Kaže imam, tumać Kur'ana, cijenjeni ashab Abdullah ibn Abbas, radijallahu anhu, komentarišući ovaj ajet: „Allah naređuje ženama vjernika da, kada izlaze iz svojih kuća zbog potrebe, prekriju svoja lica

5 Prijevod značenja: El-Ahzab (59).

počevši iznad njihovih glava džilbabom i da otkriju jedno oko.“⁶

Također, mnogi mufesiri⁷ smatraju da se pod riječima Uzvišenog:

﴿ يَدْنِينَ عَلَيْهِنَّ مِنْ جَلَابِيبِهِنَّ ﴾

„...neka spuste haljine svoje niza se...“

misli na pokrivanje lica shodno tumačenju Abdullaha ibn Abbasa, radijallahu anhumā, kako je spomenuto.

Od tih mufesira su: IBN-DŽERIR ET-TABERI, EL-DŽESĀS, EL-BEGAVI, EL-KURTUBI, EN-NESEFI, IBN-TEJMIIJE, EBU-HAJJAN, EBU-SU'ŪD, ES-SUJUTI, EL-ALUSI, EŠ-ŠEVKANI, EL-KASIMI, EL-MEHALLI I EŠ-ŠENKITI.

⁶ Vidjeti: Tefsir Et-Taberi (19/181); Tefsir El-Begavi (6/376); Ibn-Kesir (6/471) i lanac prenosilaca ove predaje je vjerodostojan kod Imama Ahmeda, Buharije i Ibn-Hadžera.

⁷ Mufesir: Tumač Kur'ana.

NEKI OD GOVORA MUFESIRA U TUMAČENJU OVOG AJETA

(1) – „Rekao je Uzvišeni, naređujući Svome poslaniku, sallallahu alejhi ve sellem, da naredi ženama i vjernicima, a posebno svojim suprugama i kćerima zbog njihovog ugleda, da spuste svoje haljine niza se da bi se razlikovale od žena u džahilijetu i od robinja.“⁸

(2) – „Riječi Uzvišenog:

﴿ مِنْ جَلَابِيْهِنَّ ﴾

„haljine (džilbabe) svoje...“

predstavljaju množinu od riječi haljina (džilbab), a to je odjeća koja obuhvata cijelu ženu, to jest jedan njegov dio da stave na lice kada izlaze radi svojih potreba osim jednog oka.

﴿ ذُلِّكَ أَدْنَى أَنْ يُعْرَفَنَ فَلَا يُؤْذَيَنَ ﴾

„Tako će se najlakše prepoznati pa neće napastvovane biti.“

⁸ Vidjeti: Tefsirul-Kur'anil-Azim (3/483), Ibn-Kesir.

To je bliže da se prepoznaju, da su slobodne (da nisu robinje), i da neće biti uznemiravane, za razliku od robinja koje nisu pokrivale lica pa su ih licemjeri uznemiravali.“⁹

(3) – „Pokrivaju svoja lica i svoja tijela svojim ogrtaćima kada se za tim ukaže potreba.“¹⁰

(4) – „Treba da spusti džilbab do zemlje da bi pokrio cijelu ženu, jer tijelo žene je avret¹¹.“¹²

DA LI NEKO SMIJE NAKON SVEGA
OVOGA DA KAŽE DA JE NIKAB OBIČAJ ILI NOVO-
TARIJA!?



⁹ Vidjeti: Tefsir El-Dželalejn (2/168), Es-Sujuti i El-Mehali.

¹⁰ Vidjeti: Tefsir El-Bejdavi (563), Nasiruddin El-Bejdavi.

¹¹ Avret: "Stidno mjesto koje je obavezno pokriti."

¹² Vidjeti: Tefsir Eš-Ša'ravi (19/12167), Muhammed Eš-Ša'ravi.

— DRUGO —

DOKAZI IZ GOVORA ALLAHOVOG
POSLANIKA, SALLALLAHU ALEJHI VE
SELLEM I MAJKI PRAVOVJERNIH, DA JE
NIKAB OD VJERE



Prenosi Abdullah ibn Omer, radijallahu anhumma, da je Allahov Poslanik, sallallahu alejhi ve sellem, rekao: „Žena u ihramu ne nosi nikab¹³ i ne oblači rukavice.“¹⁴

Komentarišući ovaj hadis, ŠEJHUL-ISLAM, IBN-TEJMIIJE, kaže: „Ovo ukazuje da su nikab i rukavice bili poznati kod žena koje nisu u ihramima, a to podrazumijeva da su pokrivale svoja lica i šake.“¹⁵

Šerijatski tekstovi su saglasni da su se žene Allahovog Poslanika, sallallahu alejhi ve sellem, pokrivate, te da su pokrivale čak i svoja lica.

13 Ne nosi nikab, tj. neće praviti otvor za oči, nego će prekriti čitavo lice.

14 Buhari (1838); Tirmizi (833), i drugi.

15 Vidjeti: Tefsir suretun-nur (str. 56), Ibn Tejmije.

Od tih šerijatskih tekstova su:

(1) - Prenosi se u priči Aiše i njenoj potvori da je rekla: „...pa je video crnu ljudsku priliku koja je spavala, pa mi je prišao i prepoznao me je kada me je video, jer me video prije hidžaba¹⁶, pa sam se probudila kada sam čula njegove riječi: ‘Svi smo Allahovi i Njemu se vraćamo!’, koje je rekao kada me je prepoznao, te sam pokrila svoje lice svojim džilbabom.“¹⁷

U ovom hadisu je došlo da je AIŠA, RADIJALLAHU ANHA, pokrila svoje lice od plemenitog ashaba Safvana ibn Mua’tala, radijallahu anhu, jer je ona pokrivala svoje lice pred onima koji joj nisu bili mahremi nakon što je naređen hidžab, kao što je očito u hadisu.

(2) – Prenosi se od ESME, KĆERKE EBU-BEKRA, RADIJALLAHU ANHUMA, da je rekla: „Pokrivale smo svoja lica od muškaraca dok smo bile u ihramima i češljale bismo se prije nego što obučemo ihrame.“¹⁸

16 „Prije spuštanja naredbe o pokrivanju“.

17 Buhari (2661); Muslim (2770), i drugi.

18 Vidjeti: Irvaul-galil (1023), Albani: gdje kaže da je lanac ove predaje vjerodostojan. Hākim (1/454), i kaže da je

Prenosi se od Aiše, radijallahu anha, da je rekla: „Prolazili bi pored nas ljudi na jahalicama, a mi smo bile sa Allahovim Poslanikom, sallallahu alejhi ve sellem, u ihamima. Pa kada bi se neki od njih nama približio, neka od nas bi spustila svoj prekrivač sa glave na lice, a kada bi se udaljio, otkrila bi svoje lice.“¹⁹

Rekao je IMAM ŠEVKANI, rahimehullah: „Ovim hadisom se dokazuje da je ženi dozvoljeno ako ima potrebu za pokrivanjem lica zbog prolaska muškaraca blizu nje da pokrije svoje lice, tako što će spustiti odjeću sa glave na svoje lice.“²⁰

Rekao je IMAM IBN-MUNZIR, rahimehullah: „Saglasni su učenjaci da žena oblači šiveno i krojeno. I da je na njoj da pokriva svoju glavu i da sakrije svoju kosu osim lica, pa preko njega spusti tanak prekrivač kojim će lice sakriti od pogleda muškaraca.“²¹

vjerodostojan. S njim se složio i Zehebi.

19 Ebu-Davud (1833); Ahmed (24021); Ibn-Madže (2935).

Vjerodostojnjim ga je ocijenio Albani u "Eš-Ševahid". Hadis pojačava i svjedoči mu predhodni hadis Esme, radijallahu anha.

20 Vidjeti: Nejlul-evtar (5/77).

21 Vidjeti: Fethul-bari (3/474), Ibn-Hadžer. (Knjiga: Hadž; Poglavlje: Šta oblači onaj koji je u ihamima od odjeće).

Pod ovim se podrazumijeva kada je na hadžu i umri, u vrijeme kada je u ihramima.

Na ovom stavu su hanefije, šafije, hanbelije i malikije.²²

ŠERIJATSKIH TEKSTOVA U OVOME POGлављу IMA MNOGO, ALI JE U OVOME ŠTO JE SPOMENUTO DOVOLJNO ZA ONOGA KO ŽELI DA SAZNA ISTINU.



22 Vidjeti: Fikh ‘ala mezahibil-erba’ (1/626). Knjiga: Hadž; Poglavlje: Ono što je zabranjeno onome što je u ihramima nakon što obuče ihram.

== TREĆE ==

GOVOR UČENJAKA ČETIRI PRIZNATA
MEZHEBA DA JE NIKAB OD VJERE
GOSPODARA SVIH SVJETOVA



Spomenut ćemo u ovom poglavlju govor učenjaka četiri mezheba i neke od drugih izvora za one koje koji žele više²³, a svi oni potvrđuju da je nikab od vjere Gospodara svih svjetova a ne kao što tvrde oni koji smatraju da nikab ne postoji u četiri priznata mezheba.

(1) – HANEFIJSKI MEZHEB

IBN-NUDŽEJM EL-HANEFI veli: „Kažu naši (tj. hanefijski) učenjaci: U naše vrijeme je, zbog povećanog stepena smutnji, zabranjeno da mlada žena

23 U ovom poglavlju autor, Ebu-Munzir, je spomenuo samo po jedan citat učenjaka iz svakog mezheba. Ostale citate na str. 39. je prevodilac dodao, vraćajući se na orginalne izvore koji su spomenuti u fusnotama, preuzimajući prijevod citata koje je već uvaženi šejh dr. Safet Kuduzović spomenuo u svom tekstu koji je objavio u Oktobru, 2009. godine, pod nazivom “Nikab u kandžama drskosti”.

otkriva svoje lice u prisustvu muškaraca.”²⁴

(2) – MALIKIJSKI MEZHEB

IMAM EL-HATTAB EL-MALIKI kaže:

„Znaj, ako se žena boji fitne, dužna je pokriti svoje lice i šake.”²⁵

(3) – ŠAFIJSKI MEZHEB

Rekao je ŠEJH MUHAMMED KASIM EL-GAZI EŠ-ŠAFI'I, rahimehullah: „Cijelo tijelo slobodne žene je avret osim lica i šaka; i ovo je njen avret u namazu. A izvan namaza njen avret je cijelo njeno tijelo.“²⁶

(4) – HANBELIJSKI MEZHEB

Rekao je IMAM AHMED IBN HANBEL: „Sve od nje (slobodne žene) je avret, čak i nokat.“²⁷

24 Vidjeti: El-Bahrur-raik, (1/284).

25 Vidjeti: Mevahibul-dželil, (2/181).

26 Vidjeti: Fethul-karib, str. 19.

27 Vidjeti: Zadul-mesir, (6/31).

= ČETVRTO =

GOVOR POZNATIH UČENJAKA
EL-AZHARA DA JE NIKAB OD VJERE
GOSPODARA SVIH SVJETOVA



Rekao je ŠEJH 'ATIJA SAKR, bivši predsjednik Komisije za fetve: „Na osnovu ovoga, nema dokaza koji izdvaja lice žene i njene šake iz obaveze njihovog pokrivanja. Ovo potvrđuje Eš-Ševkani da su muslimani od davnina na tome, i ovome se pribjegava u vremenu kada je povećan broj grješnika, a razilaženje postoji među učenjacima. Zatim nakon što je spomenuo razilaženje kaže: ‘Sve ovo razilaženje prestaje onda kada je ženino lice lijepo i boji se fitne od njega, tada je obaveza da se ono pokrije.’“²⁸

Kaže šejh HUSEJN MAHLUF, bivši egipatski muftija kod tefsira riječi Uzvišenog Allaha:

﴿ يُدْنِينَ عَلَيْهِنَّ مِنْ جَلَابِيَّهِنَّ ﴾

28 Vidjeti: Ahsenul-kelam fil-fetava vel-ahkam (4/53-54).

„...neka spuste haljine svoje niza se...“

da one znače: „Da spuste svoje džilbabe na sebe tako da pokriju svoja tijela od svojih glava do svojih stopala.“²⁹

Kaže ŠEJH ABDULHALIM MAHMUD, bivši šejh El-Azhara, govoreći o ženi ako nije sigurna od fitne: „Na njoj je obaveza da pokrije lice i šake radi sigurnosti od pokvarenosti.“³⁰

Rekao je ŠEJH DŽADULHAK, bivši šejh El-Azhara: „Nikab koji pokriva lice žene je dio obavezognog hidžaba koji joj je naređen, za njezinu odjeću, ukrase i za njezine mirise i ostalo čime se ukrašava. O njemu su vodile brigu poštovane žene od starih vremena. U islamu se učenjaci razilaze po pitanju njegove obveznosti ili pohvaljenosti za one koje nisu prirodno toliko lijepo da izazivaju fitnu.“³¹

Kaže sadašnji ŠEJH EL-AZHARA, MUHAMMED SEJID TANTAVI kod tefsira sure El-Azhab, 59. ajet:

29 Vidjeti: Safvetul-bejan li me'anil-Kur'an, str. 537.

30 Vidjeti: Medželetu savtul-arab el-bejrutije, 1967 god.

31 Vidjeti: Bejanu lin-nas (2/216).

„Značenje je: ‘O Vjerovjesniče, reci ženama koje su s tobom u braku, i svojim rođenim kćerima i reci svim ženama vjernika; reci im, kada izlaze da obave svoje potrebe na njima je da spuste svoje džilbabe preko sebe tako da pokriju svoja tijela potpuno, od njihovih glava do njihovih stopala.’“³²

Riječi ŠEJHA MUTEVELI EŠ-ŠARAVIJA su jasan i očit dokaz da je nikab od vjere Gospodara svjetova:

Cijenjeni šejh MUHAMMED MUTEVELI EŠ-ŠARAVI, rahimehullah, iskazujući svoju ljutnju i srdžbu prema onima koji napadaju nikab i hidžab kaže: „Čudan je takođe i stran njihov slučaj dok odbijaju nikab i hidžab a podižu simbole ličnih sloboda! Mi ih pitamo: ‘Da li postoji sloboda bez pravila koja sprečavaju da se njome čine prekršaji koji vode do pogrešnog puta? I kakva je to sloboda koja se suprotstavlja nebeskom zakonu?’ To je sloboda koja steže vratove onih koje su pokrivene a ostavlja uže slobodnim onima koje su otkrivene pa ih podstiče na zločin nakon što su zavedene!

32 Vidjeti: Tefsirul-vesit lil-Kur'anil-kerim, (11/245), Sejid Tantavi.

Dovoljno nam je ono što se desilo prije od otmica djevojaka i napastovanja onih koje se uvijaju i zavode. Dovoljan nam je to dokaz velike Allahove mudrosti u onome što je propisao od pokrivanja!

Zaista ovi žele da se mijesaju u samu srž (jezgro) Allahovog djela i žele da zemlja propisuje nebesima, ali su propali i uzaludan je njihov trud.“³³

U tefsiru Eš-Ša'ravija sure El-Ahzab, 59. ajet, kaže:

﴿ يُدْنِيْنَ جَلَّيْهِنَّ ﴾

„...neka spuste haljine svoje...“

znači; do zemlje da bi pokrile svoje tijelo. A Njegove riječi:

﴿ عَلَيْهِنَّ ﴾

„niza se...“

upućuju na to da on obuhvata cijelo tijelo i da se ona njime umota oko njega sve do zemlje.“

33 U njegovom poznatom intervju za novine El-Ahbārul-hukumije (1.4.1994. god.).

I nakon što je spomenuo u svom tefsiru značenje džilbaba i govore učenjaka o njemu kaže: „I mora da se spusti³⁴ do zemlje da bi pokrio cijelu ženu, jer je tijelo žene avret, a od odjeće žene ima ono što otkriva, i ima ono što opisuje i ima ono što privlači pažnju. A uslov u šerijatskoj odjeći žene je da ne otkriva, niti da opisuje, niti da privlači pažnju.“³⁵



34 Džilbab.

35 Vidjeti: Tefsir Eš-Ša'ravi, (19/12167).

— PETO —

GOVOR KOMISIJA ZA FETVE I SAVREMENIH UČENJAKA DA JE NIKAB OD VJERE GOSPODARA SVIH SVJETOVA



Fetva Stalne komisije za istraživanje i izdvanje fetvi u Saudijskoj Arabiji. U njoj je došlo: „Zenama je naređeno da pokrivaju svoja tijela ako se nalaze u prisustvu muškaraca koji su im stranci, a od toga su i lice i šake i na ovo ukazuju Kur'an i sunnet.“³⁶

FIKHSKA KUVAJTSKA ENCIKLOPEDIJA

U njoj je došlo: „Pravnici su na tome da je iħram žene u njenom licu pa joj ga nije dozvoljeno pokrivati. A ako ima potrebu da pokrije lice da bi spriječila poglede stranaca, onda neka spusti odjeću na svoje lice udaljavajući je od kože lica.“³⁷

36 Vidjeti: Fetava el-ledżnetid-daima (17/141).

37 Vidjeti: Mevsuatul-fikhije el-kuvejtije (35/202).

Kaže ŠEJH ABDULAZIZ IBN BAZ, bivši saudijski muftija: „Obaveza je da se pokrije lice i ostalo od žene pred strancima, a to su oni koji joj nisu mahremi, uopšteno zbog spomenutih ajeta, i zbog toga što je ono (lice) fitna i najjasniji ukras na njoj.“³⁸

Kaže profesor DOKTOR MUHAMMED BEKIR ISMAIL, profesor na Univerzitetu El-Azhar: „Razišli su se učenjaci po pitanju nikaba, pa su neki rekli da je on uopšteno vadžib, a drugi su rekli da je on mustehab i nije vadžib i svi oni su došli sa dokazom koji potvrđuje njihov stav.“

A ono što je po meni Allahova vjera je da je nikab obaveza za ženu od koje se boji fitne zbog toga što je; ili djevojka ili ima lijepo lice a dokaz za to je ono što je došlo u dva prijašnja ajeta. A što se tiče one koja je starica, nikab za nju nije obavezан osim ako posjeduje ljepotu koja izaziva fitnu.“³⁹

Nakon svega ovoga niko nema opravdanje pred Allahom da tvrdi da nikab nije od vjere Gospodara svih svjetova !!!

38 Vidjeti: Medžmu'atul-fetava Bin-Baz (9/434).

39 Vidjeti: El-Fikhul-vadih, (2/440).

Zbog toga kaže HAFIZ IBN HADŽER, rahimehullah: „Ostalo je na tome da je ženama dozvoljeno da izlaze u mesdžide i pijace i na putovanja pokrivenih lica da ih ne bi vidjeli muškarci.“⁴⁰

Isto tako su prenijeli saglasnost islamskih učenjaka da je zabranjeno ženama da izlaze otkrivenog lica: IMAM EN-NEVEVI, HALIL AHMED ES-SEHARENFURI, IBN ABDULBER, IBN TEJMIJE, IBNUL KAJJIM I DRUGI.⁴¹

Ovim postaje jasna neispravnost govora onoga ko kaže da je nikab običaj i da nije od vjere.

﴿سُبْحَانَكَ هَذَا بُهْتَانٌ عَظِيمٌ﴾

„Hvaljen neka si Ti! To je velika potvora!“

(En-Nūr, 16.)



40 Vidjeti: Fethul-bari (9/248 – br. hadisa, 5236).

41 Vidjeti: Hidžabul-muslima (str.231 i nakon nje).

== ŠESTO ==

NEJASNOĆE OKO NIKABA I ODGOVOR NA NJIH⁴²



PRVA NEJASNOĆA

Govor da je Allah naredio vjernicima obaranje pogleda, a iz ovoga proizlazi da su lica žena otkrivena. Jer ako nije tako od čega vjernik da obara svoj pogled ako su žene pokrile svoja lica?

ODGOVOR: U Medini, gradu Allahovog Poslanika, sallallahu alejhi ve sellem, je u vrijeme spuštanja Objave bilo žena jevrejki, zarobljenica, robinja i drugih koje su otkrivale svoja lica. Isto tako ponekad se otkriju neki dijelovi žene muslimanke, i pored toga što ona vodi brigu i pokriva se, u nekim situacijama bez njene volje, pa je zbog toga Allah naredio vjernicima da obaraju pogled od njih da ne bi upali u ono što je zabranjeno.

42 Vidjeti: Avdetil hidžab, El-Mukadem (3/372); Mutehadžibatul-muteberidžat, Sejid El-Arebi (11-15, 115-117) i bahs: Nikab fil mezahibil erbe'a, Ešref Abdulkadir (2/4).

DRUGA NEJASNOĆA

Govor da neke žene koje su pod nikabom imaju ogromne greške i loše ponašanje što je dovelo do toga da neke žene više vole da ostave nikab, čak ga neke napadaju i protiv su nošenja nikaba.

ODGOVOR: Znaj, sestro muslimanko, da je nikab simbol stida i znak čistoće i čednosti. I mi želimo da ljudi prave između nikaba i grešaka i postupaka nekih žena koje nose nikab. Jer nikab ne daje ženi koja ga nosi sigurnost od činjenja grijeha. Žena koja nosi nikab je poput ostalih muslimanki, moguće je da učini grešku ili ono što je ispravno. Ne treba da mislimo da je žena koja nosi nikab primijenila sve naredbe vjere, ili da je ona netaknuta od grijeha. Pa kao što vidimo neke od onih koji klanjaju da kradu ili piju alkohol, tako isto vidimo neke od onih koje nose nikab da upadnu u grijehe, loše ponašanje i nemoral. Dakle, mahana je u njima, a ne u nikabu, kao što je greška u nekim klanjačima a ne u namazu.

TREĆA NEJASNOĆA

Govor da nikab sputava ženu i da joj otežava ispunjavanje njenih obaveza i njene uloge u životu.

ODGOVOR: Stvarnost ovo negira jer zaista vidimo mnoge žene koje nose nikab a koje su uspješne u svojim studijama, u svom odgoju i u drugome.

Zaista pokrivanje lica ne sputava ženu, niti je ometa u obavljanju njenih obaveza. Zar ne vidimo da ljekar, ljekarka ili medicinski tehničari i sestre koji ulaze u operacijske sale radi obavljanja najpreciznijeg posla, a to je operacija, pokrivenih lica maskama i ne vidi im se ništa sem očiju. Kao da nose nikab bez obzira koji je cilj (razlog) toga.

KAŽEM: Zaista je cilj (razlog) različit, ali je sredstvo isto, a to je nikab (pokrivanje lica uz ostavljanje otvora za oči). Pa da li nikab sprečava izvršavanje operacije koja je krajnje precizna? Naravno da ne. Pa kako onda tvrdite da nikab sputava ženu i ometa je u obavljanju njenih obaveza koje su puno jednostavnije i lakše od operacijskih zahvata?

ČETVRTA NEJASNOĆA

Govor da nikab mogu nositi prevaranti, lopovi, prostitutke i teroristi, te se sakriti iza njega, pa je s toga potrebno zabraniti nikab da bi se oni otkrili i da bi se udaljilo njihovo zlo.

ODGOVOR: Postoje razbojnici i lopovi koji oblače uniformu ljekara, pa vidimo razbojnika koji oponaša osobine sigurnog ljekara pa vara ljudе i pretvara se, te im krade imetak. Čak ih ponekad i ubije. Pa hoćemo li zabraniti ljekarsku uniformu zbog ovih prevaranata i razbojnika?

Naprimjer, mnogi razbojnici oponašaju policajce ili službenike u sigurnosnim službama da bi tako zaplijenili imetak žrtve. Pa hoćemo li vezati optužbu za odjeću i zabraniti je !!!

Mi znamo da postoje situacije gdje se mora potvrditi identitet osobe koja je pod nikabom; na aerodromima, na ispitimа, itd. ili kada se sumnja u nešto pa se onda za tim ima potreba. I nema prepreke da njihov identitet provjere službenice bez ikakvih problema uz poštovanje i ljubazno ophođenje.

PETA NEJASNOĆA

Govor da nikab odvaja ženu od društva i čini je da je u stanju koje ne odgovara njoj, njenom dostojanstvu i njenoj slobodi.

Znaj poštovana sestro, da je Allah ženi dao dostojanstvo i naredio je da se ona čuva i štiti poput skupocjenog dragulja. Zabranio je da bude bezvrijedna i da je uzima ko god hoće. Znaj da je šerijat došao sa onim što čuva i štiti ženu od onog što ugrožava njenu čast i umanjuje njenu vrijednost.

Nema sumnje da je Allah stvorio u prirodi muškaraca i žena strasti i učinio da svako od njih želi onog drugog zbog mudrosti opstanka ljudske vrste i života na dunjaluku.

Zbog toga je Allah propisao brak između njih dvoje da bi se smirila vatra strasti i da bi se razmnožavali radi opstanka ljudske vrste sve do Sudnjeg dana.

A nasuprot tome, Allah je zabranio blud, zabranio je sve puteve koji vode do njega kao zaštitu za oba pola od toga da upadnu u sramotu i grijeh. Od tih puteva je zabrana pojavljivanja žene ispred muškaraca

koji joj nisu mahremi bez šerijatskog hidžaba da gledaju u nju i da ona gleda u njih.

Od njih je i miješanje spolova bez potrebe, što vodi u jasno zlo. Zbog toga islam naređuje ženi da pokriva mjesta na sebi koja izazivaju fitnu zbog onoga što je u tome od njenog čuvanja i njenog udaljavanja od fitne. Jer granice koje su joj naređene u njenom oblačenju i njenom ukrašavanju s imenom (koje se zovu) hidžab nisu ništa drugo do zatvaranje puteva neredu, a koji je rezultat otkrivanja i ukrašavanja.

Tako da ono što je naređeno ženi nije da bi se ograničila njeni sloboda nego je to njoj zaštita da ne padne u ponore poniženja i blato vulgarnosti, ili da bude pozornica očima onima koji je posmatraju.

Mnoge vjernice su se odazvale Allahovoj naredbi i izabrale za sebe počasno mjesto i povele se za majkama pravovjernih. Dok su se druge suprostavile naredbi svoga Gospodara i zadovoljile se time da budu otkrivena roba pred pomahnitalim strastima i zlim dušama koji se naslađuju njenom ljepotom i koji je nagovaraju da počini grijeh pa da se raširi griješenje i nered na Zemlji i da ih kazni Gordi i da se njima napuni

Džehennem. A ovo je ono što žele neprijatelji islama da bi tako uništili islam i njegove sljedbenike.

Allaha molimo da nas sačuva i na dunjaluku i na Ahiretu.

ŠESTA NEJASNOĆA

Kažu: "Allahov Poslanik, sallallahu alejhi ve sellem, je zabranio da žena nosi nikab i rukavice na hadžu i umri. Pa ako je nošenje nikaba pohvalno zašto ga je Poslanik, sallallahu alejhi ve sellem, zabranio?"

ODGOVOR: Ova zabrana je posebna za ženu koja je samo u iħramima, uz dozvolu da može spustiti svoju odjeću preko lica ako prolazi pored muškaraca, kao što je već objašnjeno. Zabrana se ovdje odnosni na za šivenu odjeću za lice i ona je potpuno ista zabrani Poslanika, sallallahu alejhi ve sellem, muškarcima - u stanju iħrama - a to je zabrana oblačenja šivene odjeće u predjelu udova uz pokrivanje tijela samo sa ridāom⁴³ i izārom⁴⁴. Pa je iħram žene u njenom licu poput iħrama muškarca u njegovom tijelu. Zar će razuman

43 Ridā': Pokrivač za gornji dio tijela.

44 Izār: Pokrivač za donji dio tijela.

reći da muškarcu nije dozvoljeno da obuče šiveno i krojeno na udove (poput unutrašnjeg veša) u stanju izvan ihrama!?

Ovo niko nikada nije rekao.

Kaže Imam Ibnu'l-Kajjim: „Zaista Vjerovjensnik, sallallahu alejhi ve sellem, nije propisao da žena otkriva lice u stanju ihrama i izvan njega. Nego je došao tekst za zabranu nikaba posebno - kao što je došla zabrana rukavica. I došla je zabrana košulje i pantalona (za muškarce). A poznato je da njegova zabrana oblačenja ovih stvari nije došla da bi se ona otkrila i da se uopšte ne pokriva.

Svi ljudi su saglasni da žena koja je u ihramu pokriva svoje tijelo svojom košuljom i ogrtačem, a da muškarac pokriva svoje tijelo ridāom i izārom, s tim da je izvor zabrane nikaba, rukavica, košulje i pantalona jedan.

Pa kako da se doda na obavezujući tekst i da se razumije iz njega da je njoj propisano da otkriva lice javno među ljudima? I u kojem tekstu se podrazumijeva ovakvo shvatanje ili uopštenost ili analogija ili korist?

Nego je lice žene poput tijela muškarca, zabranjeno ga je pokrivati krojenim poput nikaba i burke na određenim mjestima. Kao i njene ruke, zabranjeno je da se pokrivaju krojenim onoliko koliko zahvata ruka poput rukavica.

A što se tiče njihovog pokrivanja rukavom i pokrivanja lica pokrivačem, himarom i odjećom, to nikad nije zabranjivano.“⁴⁵



45 Vidjeti: Beda'iul-fevaid (3/141-142).

KASIDA
"KRALJICA ISLAMA"



*Čudnu stvar čusmo,
o sestro vjere naše.*

*O hidžabu oni
mrzak govor izustiše.*

*Rekoše:
"One o vratove šatore okačiše!*

*Mrkla odjeća to li je!"
Rekoše.*

*Zaostalošću i nazadnošću
nikab opisaše.*

*U skidanju njegovom
elegancija je i napredak, kazaše.*

Pozvaše u „oslobađanje žene“.

O tome knjigu napisalaše!

*Jasan put golotinje
omladini zacrtalaše.*

O sestro, oni u ponor, crnu zemlju padoše!

Prezreni poput kerova u zabludi svojoj postaše.

O sestro, puki lavež na oblake to biješe.

*Sestro naša,
zavijanje zlobnih vukova to je, ništa više!*

*U moru sabura tvoga,
sestro, sve teškoće se istopiše!*

*Sa hidžabom kreposna
si i zaštićena, o sestro vjere naše.*

*I odlučnost, i čednost,
a i nagrada u tebi se usadiše.*

*Džennet utočište je,
lijepog li povratka nakon smrti naše!*

*A Džehennem boravište zulumčara je,
teškom kaznom će kaznit se!*

*Allah će zulum njihov jasnim pokazati,
na Dan Sudnji, kada račun polagat će.*



== DODATNO ==

GOVORI⁴⁶ UČENJAKA ČETIRI PRIZNATA MEZHEBA DA JE NIKAB OD VJERE GOSPODARA SVIH SVJETOVA



1 – HANEFIJSKI MEZHEB

Ibn-Nudžejm el-Hanefi kaže: „Kada bi žena uvrijedila muškarca stranca, počinila bi krivično djelo. Također i kada bi otkrila svoje lice pred muškarcem koji joj nije mahrem, počinila bi krivično djelo, jer njemu nije dozvoljeno gledanje u nju otkrivenog lica, osim u stanju potrebe.”⁴⁷

46 Autor Ebu-Munzir, u trećem poglavlju „GOVORI UČENjAKA ČETIRI PRIZNATA MEZHEBA DA JE NIKAB OD VJERE GOSPODARA SVIH SVJETOVA“ je spomenuo samo po jedan citat učenjaka iz svakog mezheba. Ostale citate je prevodilac dodaо, vraćajući se na orginalne izvore koji su spomenuti u fusnotama, preuzimajući prijevod citata koje je već uvaženi šejh dr. Safet Kuduzović spomenuo u svom tekstu koji je objavio u oktobru, 2009. godine pod nazivom “Nikab u kandžama drskosti”.

47 Vidjeti: „El-Bahrur-raik“, (3/345).

Imam Et-Tahtavi el-Hanefi kaže: „Zabranjeno je mladoj ženi otkrivati lice, iz predostrožnosti, a ne zato što se lice smatra intimnim (stidnim) dijelom ženskog tijela.”⁴⁸

Ibn Abidin kaže: „U djelu ‘El-Feth’ stoji da je ženi pohvalno (dok je u ihamima) da nečim zastre lice, a u djelu ‘En-Nihaje’ da je obavezna pokriti ga.

U djelu El-Muhit stoji: ‘Ovim se aludira na to da je ženi zabranjeno otkrivati lice pred muškarcima strancima, osim u nuždi.’”⁴⁹

U djelu „Medžmeul-enhur”, 1/122, stoji: „Navodi se u djelu ‘El-Munteka’ (poznato djelo hanefijskog fikha): ‘Zabranjeno je mladoj ženi otkrivati lice, iz predostrožnosti, a u naše vrijeme ženi je vadžib nositi nikab, i ne samo vadžib, nego farz !’”⁵⁰

Imam Haskefi, govoreći o odjeći žene na hadžu, kaže: „Žena će otkriti lice (tj. skinuti nikab),

48 Vidjeti: „Haşijetut-Tahavi ala merakil-felah“, str. 241.)

49 Vidjeti: „Haşijetu Ibn-Abadin“ (3/629). „El-Feth“, „En-Nihaje“ i „El-Muhit“ su djela hanefijskog fikha.

50 Farz je u hanefijskoj pravnoj školi pritvrđeniji stepen naredbe od vadžiba.

a neće otkrivati kosu, a ako nešto drugo spusti preko lica i udalji ga od njega (tj. da nije priljubljeno uz lice), dozvoljeno je, ne samo dozvoljeno već je pohvalno (mendub).”⁵¹

Imam El-Džessās, nakon što je naveo Allahove riječi: „... neka spuste džilbabe svoje niza se”⁵² kaže: „U ovom ajetu je dokaz da je mladoj ženi naređeno pokriti lice pred strancima, te da prilikom izlaska (napolje) ne izlazi osim uz pokrivanje i čednost, a to iz razloga da ne bi osjetili naklonost prema njoj oni bolesnih srca.“⁵³

2 – MALIKIJSKI MEZHEB

Imam Kurtubi u svome „Tefsiru“ kaže: „Cijelo tijelo žene je avret (stidno), čak i njen glas, stoga tijelo nije dozvoljeno otkriti, osim u nuždi, kada se radi o potrebnoj identifikaciji ili u slučaju bolesti.”⁵⁴

Imam Ez-Zurkani kaže: „Dozvoljeno je ženi u iħramima prekriti lice, zastirući se od muškaraca, to joj

51 Vidjeti: „Ed-Durrul-muhtar“ (3/629), sa hašijom.

52 Prijevod značenja: El-Ahzab (59).

53 Vidjeti: „Ahkamul-Kur'an“, (5/245).

54 Vidjeti: „El-Džami'u li ahkamil-Kur'an“, (14/218).

je, čak, obaveza ako se boji fitne.”⁵⁵

Ibn-Huvejz kaže: „Ako je žena lijepa i plaši se da će otkrivanjem lica ili šaka izazvati fitnu, treba ih pokriti. Ako je, pak, stara ili ružna, dozvoljeno joj je da ih otkrije.”⁵⁶

3 – ŠAFIJSKI MEZHEB

Imam El-Maverdi, kada je govorio o svjedočenju, rekao je: „Ako može poznati ženu u nikabu, nema potrebe za dizanjem vela, u protivnom, treba otkriti lice.”⁵⁷

Imam Bejdavi kaže: „Cijelo tijelo žene je avret, nije dozvoljeno gledanje u njega osim suprugu i mahremima ili u prijekoj nuždi.”⁵⁸

Ibnul-Iraki kaže: „Ženi je u ihamima zabranjeno pokriti lice nečim što je priljubljeno uz njega, a nije onim što nije priljubljeno. Ovo je stav imama četiri

55 Vidjeti: „Šerhuz-Zurkani alel-muvetta“, (2/329).

56 Vidjeti: „El-Džami'u li ahkamil-Kur'an“, (12/232).

57 Vidjeti: „Mugnil-muhtadž“, (4/216).

58 Vidjeti: „Tefsirul-Bejdavi“, (4/183).

pravne škole.”⁵⁹ Na drugom mjestu, kada je govorio o hadisu koji spominje potvoru majke vjernika Aiše, Ibnul-Iraki rekao je: „U hadisu je dokaz da se žena treba zastrti od stranaca, bili oni bogobojazni ili ne.”⁶⁰

Ibn Hadžer kaže: „Islamski učenjaci ne razilaze se u tome da je ženi dozvoljeno pokriti lice i ruke na hadžu nečim drugim osim nikaba i rukavica.”⁶¹

Imam Sujuti, kada je spomenuo ajet iz sure En-Nur u kome se naređuje pokrivanje žene, rekao je: „Ovaj ajet se odnosi na sve žene i u njemu je obaveza pokrivanja glave i lica.”⁶²

4 – HANBELIJSKI MEZHEB

Šejhul-islam Ibn-Tejmijje, rahimehullah, kaže: „Žene vjernika su u vrijeme Allahovog Poslanika, sallallahu alejhi ve sellem, i njegovih pravednih halifa bile takve, da su se slobodne žene pokrivale, a robinje otkrivale.”⁶³

59 Vidjeti: „Tarhut-tesrib“, (5/40).

60 Vidjeti: „Tarhut-tesrib“, (8/51).

61 Vidjeti: „Fethul-bari“, (4/65).

62 Vidjeti: „Avnul-ma'bud“, (11/106).

63 Vidjeti: „Hidžab mer'etil-muslima“, str. 35.

Također je rekao: „Nije dozvoljeno ženama otkrivati lice pred strancima.”⁶⁴

Prenosi Ibn-Reslan: „Muslimani su saglasni da zabranjuju ženama da izlaze otkrivenih lica.“⁶⁵

Ibn-Kudame kaže: „Dozvoljava se ženi u ihramima da spusti nešto niz svoje lice, kako bi se zastrla od stranaca.”⁶⁶

Ibn Muflih kaže: „Dozvoljava se ženi u ihramima da spusti veo niz svoje lice da bi se zastrla od muškaraca.“⁶⁷

Imam Behuti kaže: „Ako postoji potreba zbog prolaska ljudi, žena će, dok je u ihramima, spustit sa svoje glave veo niz lice.“⁶⁸



64 Vidjeti: „El-Ādabuš-šer’ijje“, (1/276).

65 Vidjeti: „Nejlul-evtar“, (7/277), Imam eš-Ševkani. „Hidžabul-muslima“, str. 195. i nakon nje i str. 217 i nakon nje, od dr. Muhammeda Fuada El-Berazija.

66 Vidjeti: „El-Mugni“, (3/154).

67 Vidjeti: „El-Mubd’I“, (3/168); El-Furū’u (3/332).

68 Vidjeti: „Keššaful-kinā“ (2/530).

POKRIVANJE LICA MUSLIMANKE, PRAKSA MUSLIMANKI U SVIM ISLAMSKIM MJESTIMA SVE DO 20. STOLJEĆA



Iako su se učenjaci teoretski razišli oko obaveze pokrivanja lica žene (jedni kažu da je vadžib a drugi da je mustehab), praksa sahabijki i ostalih žena ovaj ummet u svim krajevima muslimanskog svijeta, pa čak i u Bosni, sve do zadnjih stotinjak godina, je bila da pokrivaju svoja lica.

Zato mnogi učenjaci navode tzv. praktični koncenzus (idžma') muslimana oko pokrivanja lica žene muslimanke pred muškarcima koji joj nisu mahrem.

Kaže Ibn Tejmije prilikom tefsirenja 56. Ajeta sure En-Nur:

“Bio je sunnet mu’mina u vremenu Poslanika, sallallahu alejhi ve sellem, da slobodna muslimanka pokriva lice a da robinja otkriva svoje lice”.

A u knjizi Fethul-bari (9/337) Ibn Hadžer navodi: "Bila je neprestalna praksa da žene prilikom izlaska u mesdžide, na pijace i putovanja budu pod nikabima (tj. pokrivenog lica) kako ih ne bi muškarci gledali".

Kaže imam Ibn Reslan: "Složni su muslimani da je ženama zabranjen izlazak otkrivenih lica". (Avnul-ma'bud 4/106)

Također, bilježi Ebu Hamid El-Gazali u svom Ihjau' (1/729) sljedeće: "Neprestano su muškarci u svim vremeni bili otkrivenog lica a žene bi izlazile pod nikabima".

Imam Ševkani u svojoj poznatoj knjizi Nejlul-evtar (6/130) navodi da su muslimani bili složni na zabrani izlaska žena otkrivenog lica, naročito u vrijeme mnoštva fasika.

Kaže poznati muslimanski gramatičar Ebu Hajjan iz Endelusa: "Pa je tako bio običaj u zemljama Endelusa da se od žene nije moglo vidjeti ništa osim njenog jednog oka". (El-Bahru el-muhit 3/144)

A šafijski učenjak El-Muzi' i kaže: "Neprestana praksa žena muslimanki je bila na tome (da pokrivaju lice) u davna i sadašnja vremena , u svim pokrajinama, imali su tolerancije u otkrivanju lica starijih žena a to nisu tolerisali djevojkama i smatrali su da je otkrivanje lica avret i munker (loše djelo) ...". (Tejsirul-bejan li ahkamil-Kur'an 2/100).

Ujedno, ovo je dokaz da je islamska civilizacija bila na vrhuncu a muslimanke su pokrivale svoja lica, što jasno ukazuje da razlog zaostalosti muslimana nije imao nikakvu vezu sa pokrivanjem žene muslimanke.

Ve billahi tevfik. (dr. Zijad Ljakić)



ŠTA JE VEĆA FITNA: LICE ILI KOSA ŽENE?



PITANJE: Selam alejkum. Imam 18 godina i razmišljam o tome da nosim hidžab, odnosno mahramu, kako se to kod nas kaže. Ja znam da je to farz i da se žene moraju pokriti, ali ne vidim smisla u tome da samo glavu pokrijem tj. kosu, jer prva uloga hidžaba jeste da ženu zaštiti od muških pogleda i da samim svojim izgledom ne vodi u grijeh i sebe i onoga koji je gleda. Pa se pitam zašto većina žena pokriva samo kosu, jer je opće poznato da muskarci prvo gledaju u lice, oči, usne, a nekako najmanje do izraja dolazi kosa, a mi žene slobodno hodamo po ulici. Da li biste mi mogli objasniti zašto je toliko kosa bitna kod žene i zašto je toliko bitno da pokrijemo samo kosu i da li je kosa kod žene manje bitna od lica?

ODGOVOR: Alejkumusselam ve rahmetullahi ve berekatuhu. Hvala Allahu i neka je salat i selam na posljednjeg vjerovjesnika, a zatim:

Prije odgovora na samo pitanje želja mi je da ti dam nekoliko savjeta.

Prvo, sama priznaješ da znaš da je ženama obaveza da se pokriju, svejedno da pokriju čitavo tijelo osim lica i šaka ili i sa licem i šakama, a neizvršavanje farza je grijeh, pa mi nije jasno šta te sprečava da se istog momenta pokriješ da ne bi istrajavala u tom grijehu.

Zato molim Uzvišenog Allaha da ti da tevfika i snage da to smjesta uradiš ako već nisi.

Drugo, divno si se izrazila govoreći o smislu i funkciji hidžaba kod žene, tj. da je “prva uloga hidžaba jeste da ženu zaštiti od muskih pogleda i da samim svojim izgledom ne vodi u grijeh i sebe i onoga koji je gleda”, te se nadam da nećeš dugo oklijevati kako ne bi muškarce navodila na grijeh hodajući ispred njih otkrivena.

A što se tiče samog pitanja, tj. bitnosti pokrivanja kose kod žene, nema sumnje da je kosa jedan od najljepših, najistaknutijih i najzavodljivijih dijelova tijela kod žene, iako je čitavo tijelo žene u osnovi avret i fitna za muškarce, te stoga pokrivanje kose itekako

umanjuje priliku da se kod muškarca pobude emocije i strasti naspram žene.

Tvoja tvrdnja da je kosa manje bitna i da najmanje dolazi do izražaja u odnosu na lice, oči, usne nije sasvim i u potpunosti tačna i ne slaže se stvarnošću, jer muškarci itekako gledaju na kosu, a i žena može da sa kosom nadoknadi mnoge nedostatke na drugim dijelovima tijela.

A to što si uočila da i lice predstavlja fitnu je ustvari jedan od razumskih dokaza onih učenjaka koji zastupaju stav da je ženi obaveza da pokrije i lice jer je ono predmet najvećeg interesovanja muškaraca.

Tako da kada se za ženu konstatuje da je lijepa prvenstveno se misli na njeno lice, dok za ostale dijelove tijela žene se kaže da je zgodna, ili se kaže zgodna je ali je ružna, čime se jasno razdvaja lice od ostalih dijelova tijela, ili ima lijepu kosu ali nije lijepa. Sve to govori da je lice, ustvari, centralni dio na osnovu kojeg se ocjenjuje da li je žena lijepa ili nije.

A sve ovo nas vodi do ispravnog mišljenja učenjaka da je ženi vadžib da pokrije lice, ali ne na

osnovu gore spomenutog iako i to podupire ovaj stav, nego na osnovu ajeta i vjerodostojnih hadisa, prakse sahabijki i onoga na čemu je bio ovaj Ummet u svim krajevima muslimanskog svijeta, pa čak i u Bosni, sve do zadnjih stotinjak godina. A to je da je praksa muslimanki bila da pokrivaju svoja lica.

Učenjaci navode praktični koncenzus (idžma') muslimana oko pokrivanja lica žene muslimanke pred muškarcima koji joj nisu mahrem.

Kaže Ibn Tejmije prilikom tefsirenja 56. Ajeta sure En-Nur: "Bio je sunnet mu'mina u vremenu Poslanika, sallallahu alejhi ve sellem, da slobodna muslimanka pokriva lice a da robinja otkriva svoje lice".

A u knjizi Fethul-bari (9/337) Ibn Hadžer navodi: "Bila je neprestalna praksa da žene prilikom izlaska u mesdžide, na pijace i putovanja budu pod nikabima (tj. pokrivenog lica) kako ih ne bi muškarci gledali".

Kaže imam Ibn Reslan: "Složni su muslimani da je ženama zabranjen izlazak otkrivenih lica". (Avnul-ma'bud 4/106)

Takođe, bilježi Ebu Hamid El-Gazali u svom Ihjau' (1/729) sljedeće: "Neprestano su muškarci u svim vremeni bili otkrivenog lica a žene bi izlazile pod nikabima".

Imam Ševkani u svojoj poznatoj knjizi Nejlul-evtar (6/130) navodi da su muslimani bili složni na zabrani izlaska žena otkrivenog lica, naročito u vrijeme mnoštva fasika.

Kaže poznati muslimanski gramatičar Ebu Hajjan iz Endelusa: "Pa je tako bio običaj u zemljama Endelusa da se od žene nije moglo vidjeti ništa osim njenog jednog oka". (El-Bahru el-muhit 3/144)

A šafijski učenjak El-Muzi'i kaže: "Neprestana praksa žena muslimanki je bila na tome (da pokrivaju lice) u davna i sadašnja vremena , u svim pokrajinama, imali su tolerancije u otkrivanju lica starijih žena a to nisu tolerisali djevojkama i smatrali su da je otkrivanje lica avret i munker (loše djelo) ...". (Tejsirul-bejan li ahkamil-kur'an 2/1001).

Ovo je dokaz da je islamska civilizacija bila na vrhuncu a muslimanke su pokrivale svoja lica, što

jasno ukazuje da razlog zaostalosti muslimana nije imao nikakvu vezu sa pokrivanjem žene muslimanke.

Pa tako poštovana sestro u Islamu, tvoja zapitanost da li je lice veća fitna za muškarce od kose dovela nas je do sljedećeg rezultata: da kur'anski ajeti, vjerodostojni hadisi, zdrav ljudski razum i praksa muslimanki u svim mjestima od početka Islama pa do savremenog doba ukazuju na obaveznu pokrivanja žene muslimanke kada izlazi van kuće i pred muškarcima koji joj nisu mahremi.

Takođe se iskreno nadamo da ćeš i ti shvatiti i u praksi potvrditi da nema pravog, potpunijeg, boljeg i bogobojaznijeg pokrivanja muslimanke od nikaba.

Ve billahi tevfik. (dr. Zijad Ljakić)



وَآخِرُ دُعَوَانَا أَنَّ الْحَمْدَ لِلَّهِ رَبِّ الْعَالَمِينَ



SADRŽAJ



= PREDGOVOR.....	4
= UVOD	6
1. DOKAZI IZ KUR'ANA I GOVORA UČENJAKA TEFSIRA.....	10
2. DOKAZI IZ GOVORA ALLAHOVOG POSLANIKA, SALLALLAHU ALEJHI VE SELLEM I MAJKI PRAVOVJERNIH	14
3. GOVOR UČENJAKA ČETIRI PRIZNATA MEZHEB	18
4. GOVOR POZNATIH UČENJAKA EL-AZHARA.....	20
5. GOVOR KOMISIJA ZA FETVE I SAVREMENIH UČENJAKA	25
6. NEJASNOĆE OKO NIKABA I ODGOVOR NA NJIH	28

⇒ KASIDA "KRALJICA ISLAMA"	37
⇒ GOVORI UČENJAKA ČETIRI PRZNATA MEZHEBA	39
⇒ POKRIVANJE LICA MUSLIMANKE, PRAKSA MUSLIMANKI U SVIM ISLAMSKIM MJESTIMA SVE DO 20. STOLJEĆA	44
⇒ ŠTA JE VEĆA FITNA: LICE ILI KOSA ŽENE?	47



